

## Амаллардан маҳрум бўлиш гуноҳ сабаблидир



08:07 / 14.05.2020 2365

Аҳмад ибн Абу Ҳаворийдан ривоят қилинади: «Абу Сулаймон Доронийга: «Бугун эрталаб тура олмадим. Бомдод намозининг икки ракъатини ҳам ўқий олмадим. Намозни ҳам жамоат билан ўқимадим», дедим. У менга: «Ҳаммасига ўзинг сабабисан (яъни гуноҳга қўл урганинг сабабидан бўлган). Аллоҳ бандаларига хеч қачон зулм қилмайди. Сенга шаҳват етибди», деди».

Аҳмад ибн Абу Ҳаворий айтади: «Абу Сулаймон мени четга тортиб, шундай деди: «Эй Аҳмад, сенга бир гап айтиб бераман. То ўлгунимча бу ҳақида сўз очмайсан. Мен бир куни кечаси зикрларимни қилиб ухлаб қолибман. Тушимда бир ҳур менга танбех бериб, «Эй Абу Сулаймон, сен ухляяпсан, мен эса беш юз йилдан бери гўшангода сен учун тайёрлаб қўйилганман!» деди».

**«Солихлар гулшани» китобидан**